



Fondacija tuzlanske zajednice

Vitalni znaci 2019

Konsultacije sa građanima

Razgovor sa članicama Udruženja žena Grada Tuzle



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 29. avgust 2019.

Oblasti za diskusiju: Pripadnost i vodstvo, ljudska prava i Sigurnost i bezbjednost

U saradnji sa: Udruženje žena Grada Tuzle

Lokacija: Prostorije Udruženja žena Grada Tuzle

Broj učesnika: 23 Ž

Sažetak diskusije:

Obzirom na malu zastupljenost žena u politici i na rukovodećim pozicijama u društvu, za Udruženje žena odabrali smo temu "Pripadnost i vodstvo, ljudska prava" kako bi nam dale svoje mišljenje vezano za ovu temu, ali i kako bi dobili uvid u angažovanost žena u lokalnim zajednicama kao i uvid u to šta one čine da bi poboljšale stanje u svojim zajednicama.

Na konsultacijama smo došli do saznanja da su u Udruženju žena jako zadovoljne sa uključivanjem žena u volonterski rad u svojim zajednicama. Baš zbog toga što se puno kreću i rade u zajednicama uvidjele su i negativne strane zajednica. Smatraju, da je prijeko potrebno raditi na odizanju svijesti građana u raznim oblastima života, a najbolji način za to je održavanje edukativnih radionica. Također smatraju da su mladi neaktivni, nezainteresovani za volonterizam, te bi ih trebalo na neki način stimulisati. Radeći na sebi, pored formalnog obrazovanja koje stičemo u školama, sve više nam je potrebno i neformalno obrazovanje koje ima drugačiji pristup učenju i koje bi možda trebalo uvesti dijelom i u formalno obrazovanje. Svi pričaju o nedovoljnoj angažovanosti žena i mladih u politici, ali u Udruženju su mišljenja da se politika uvukla u sve pore našeg života, te da politika treba imati manji uticaj na naš svakodnevni život. Na kraju većina se ipak složila da je stanje u oblasti "Pripadnost i vodstvo, ljudska prava" zadovoljavajuće dok je samo jedna osoba smatrala da je situacija zabrinjavajuća i zahtijeva ozbiljnu društvenu reakciju.

Također, željeli smo vidjeti i kakvo je stanje u oblasti "Sigurnosti i bezbjednosti" i da li se žene osjećaju sigurno u svojim zajednicama. Za razliku od prethodne oblasti, u oblasti "Sigurnost i bezbjednost" stanje nije zadovoljavajuće. Većina žena smatra da je situacija zabrinjavajuća, dok tek nekolicina smatra da se trenutna situacija treba održati i eventualno poboljšati. Kao najveći trenutni problem u oblasti "Sigurnost i bezbjednost" navedena je situacija sa migrantskom krizom, te se razgovaralo o protoku migranata kroz zajednicu u kojoj žive zbog kojih se ne osjećaju prijatno na ulicama grada. Svjesne su da je država nadležna za rješavanje ovog problema, ali smatraju da obzirom na kompleksno uređenje državnog aparata, ne trebamo čekati na državu nego postupiti ljudski i humano i bez obzira na strah koji imaju, smatraju da je migrantima prijeko potreban centar gdje bi se mogli smjestiti, odmoriti, vršiti svoje fiziološke potrebe, ali gdje bi im se mogla pružiti i neophodna medicinska pomoć. Pozitivna stvar u ovoj oblasti je, smatraju, rad institucija uključenih u sigurnost građana (MUP) i dobri zakoni koji se na žalost ne implementiraju u potpunosti. Korupcija je također prepoznata kao veliki problem koji se treba hitno rješavati i obezbijediti vladavinu zakona. Na taj način bi se zaštitila i građanska prava, te omogućilo građanima da prijavljuju kriminal. Psi su opet prepoznati kao problem, iako je evidentno da je smanjen broj pasa na ulicama, smatraju daje neophodno poboljšati rad azila za pse i početi sa kažnjavanjem neodgovornih vlasnika pasa.



Pripadnost i vodstvo, ljudska prava

Građani su rekli

Kako izgleda „zdrava“, „vitalna“ zajednica?

- 100% uključenost građana u zajednicu
- Veća uključenost mladih u zajednicu
- 80% izlaznosti na izborima

Šta dobro funkcioniše u vašoj zajednici?

- Starija populacija volontira koja daje doprinos razvoju zajednice u skladu sa svojim mogućnostima

Šta se može poboljšati u zajednici?

- Raditi na svijesti građana kroz edukacije
- Mlade aktivirati i stimulirati
- Neformalno obrazovanje uključiti u formalno
- Manji uticaj političkih stranaka u svim sferama života

Sigurnost i bezbjednost

Građani su rekli

Kako izgleda „zdrava“, „vitalna“ zajednica?

- Primjenjivanje i poštivanje zakona
- Bez kriminala
- Riješeno pitanje migranata

Šta dobro funkcioniše u vašoj zajednici?

- Rad institucija koje se bave sigurnošću (MUP)
- Dobri zakoni

Šta se može poboljšati u zajednici?

- Društvo bez korupcije
- Obezbijediti vladavinu zakona
- Obezbijediti bolje uslove u azilu i kažnjavajne neodgovornih vlasnika pasa
- Zaštita građanskih prava prilikom prijavljivanja kriminala
- Poboljšati sigurnost po pitanju migranata na način da se obezbijedi konstantna kontrola MUP-a



Šta ja mogu uraditi da dopinesem izgradnji zdravije i bolje zajednice?

- Volontiram
- Izlazim na izbore
- Poštujem zakone
- Učestvujem u humanitarnim akcijama
- Učestvujem u raznim edukacijama
- Kroz volonterizam utičem na svijest građana u oblasti ekologije
- Radim sa mladima